

杜工部集

三



宋板杜工部集

王原叔<sub>洙</sub>編次本

第叁冊

杜工部集卷第六



前劔南節度叅謀宣義郎檢校尚書工部員外郎賜緋魚袋京兆杜甫

古詩四十八首

杜鵑一首

引水一首

青絲一首

近聞一首

漁陽一首

黃河二首

自平一首

杜集六

除草一首

客居一首

客堂一首

石硯詩一首

三韻三篇

柴門一首

貽華陽柳少府一首

同元使君春陵行一首

狄明府一首

韓諫議一首

課伐木一首

園人送瓜一首

信行遠脩水筒一首

槐葉冷淘一首

行官張望補稻畦水歸一首

催宗文樹鷄柵一首

園官送菜一首

上後園山脚一首

驅豎子摘蒼耳一首

昔遊一首

杜集六

二

雷一首

火一首

往在一首

七月三日亭午已後校熱退晚加小涼穩睡  
有詩因論壯年樂事戲呈元二十一曹長一首

牽牛織女一首

毒熱寄簡崔評事十六弟一首

壯遊一首

阻雨不得歸灑西甘林一首

雨一首

雨二首

又上後園山脚一首

雨一首

贈李十五丈別一首

贈鄭十八賁一首

殿中楊監見示張旭草書圖一首

楊監又出畫鷹十二扇一首

送殿中楊監赴蜀見相公一首

杜鵑

西川有杜鵑東川無杜鵑涪萬無杜鵑雲安有杜鵑

杜集卷六

三

我昔遊錦城結廬錦水邊有竹一頃餘喬木上參天

杜鵑暮春至哀哀叫其間我見常再拜重是古帝魂

生子百鳥巢百鳥不敢嗔一作喧仍爲餒其子禮若奉至

尊鴻鴈及羔羊有禮太古前行飛與跪乳識序如知

恩聖賢古法則付與後世傳君看禽鳥情猶解事杜

鵑今忽暮春間值我病經年身病不能拜淚下如迸泉

引水

月峽瞿塘雲作頂亂石崢嶸俗無井雲安沽水奴僕

悲魚復移居心力省白帝城西萬竹蟠接筒引水喉

不乾人生留滯生理難斗水何直百憂寬

青絲

青絲白馬誰家子  
鹿麕豪且逐風塵  
起不聞漢主放妃  
嬪近靜潼關掃蜂  
蟻殿前兵馬破汝  
時十月即為壘  
粉期未如面縛歸  
金闕萬一皇恩下  
玉墀

近聞

近聞犬戎遠遁逃  
牧馬不敢侵臨洮  
渭水逶迤白日  
淨隴山蕭瑟秋雲  
高崆峒五原亦無  
事北庭數有關  
中使似聞贊普更  
求親舅甥和好應  
難弃

漁陽

漁陽突騎猶精銳  
赫赫雍王都節一作前制  
猛將飄然恐

杜集六

四

後時本朝不入非  
高計祿山北築雄  
武城舊防敗走  
歸其營繫書請問  
燕耆舊今日何須  
十萬兵

黃河

黃河北岸海西軍  
椎鼓鳴鍾天下聞  
鐵馬長鳴不知  
數胡人高鼻動成  
羣

黃河西岸是吾蜀  
欲須供給家無粟  
願驅衆庶戴君  
王混一車書弃金  
玉

自平

自平宮中呂太一  
收珠南海千餘日  
近供生犀翡翠  
稀復恐征戎干戈  
密蠻溪豪族小動  
搖世封刺史非

時朝蓬萊殿前諸主將才如伏波不得驕

除草

去蕪草也 蕪音潛山韭

草有害於人曾何生阻脩其毒甚蜂蠆其多彌道周  
清晨步前林江色未散憂芒刺在我眼焉能待高秋  
霜露一霑凝一作衣蕙葉亦難留荷鋤先童稚日入仍討  
求轉致水中央豈無雙釣舟頑根易滋蔓敢使依舊丘  
自茲藩籬曠更覺松竹幽芟夷不可闕疾惡信如讎

客居

客居所居堂前江後山根下塹萬尋岸蒼濤鬱飛翻  
葱青衆木梢邪豎雜石痕子規晝夜啼壯士斂精魂

北集六

五

峽開四千里水合數百源人虎相半居相傷終兩存  
蜀麻久不來吳鹽擁荆門西南失大將商旅自星奔  
今又降元戎已聞動行軒舟子候利涉亦憑節制尊  
我在路中央生理不得論卧愁病脚廢徐步視小園  
短畦帶碧草悵望思王孫鳳隨其皇去籬雀暮喧繁  
覽物想故國十年別荒村日暮歸幾翼北林空自昏  
安得覆八溟爲君洗乾坤稷契易爲力犬戎何足吞  
儒生老無成臣子憂四番篋中有舊筆情至時復援

客堂

憶昨離少城而今異楚蜀捨舟復深山窅窅一林麓



棲泊雲安縣消中內相毒舊疾甘載來衰年得無足  
死為殊方鬼頭白兔短促老馬終望雲南鴈意在北  
別家長兒女欲起慙筋力客堂叙節改具物對羈束  
石暄蕨芽紫渚秀蘆笋綠巴鶯一作稼紛未稀徼麥早  
向熟悠悠日動江漠漠春辭木臺郎選才俊自顧亦  
已極前輩聲名人埋沒何所得居然縮章紱受性本  
幽獨平生憩息地必種數竿竹事業只濁醪營昔但  
草屋上公有記者累奏資薄祿主憂豈濟時身遠彌  
曠職循文廟筭正獻可天衢直尚想趨朝廷毫髮裨  
社稷形骸今若是進退委行色

石硯詩

杜集六  
平侍御者

六

平公今詩伯秀發吾所羨奉使三峽中長嘯得石硯  
巨璞禹鑿餘異狀君獨見其滑乃波濤其光或雷電  
聯坳各盡墨多水遞隱見揮洒容數人十手可對面  
比公頭上冠正質未為賤當公賦佳句沉得終清宴  
公含起草姿不遠明光殿致于丹青地知汝隨顧眄

三韻三篇

高馬勿唾一作捶面長魚無損鱗辱馬馬毛焦困魚魚  
有神君看石磊落士不肯易其身  
蕩蕩萬斛舡影若揚白虹起檣必椎牛挂席集眾功

自非風動天莫置大水中

烈士惡多門小人自同調名利苟可取殺身傍權要  
何當官曹清爾輩堪一笑

### 柴門

泛舟登瀛西迴首望兩崖東城乾旱天其氣如焚柴  
長影沒窈窕餘光散哈呀大江蟠嵌根歸海成一家  
下衝割坤軸竦壁攢鏌鋹蕭颯灑秋色一作氣昏霾日  
車峽門自此始最窄容浮查禹功翊造化䟽鑿就欹  
斜巨渠決太古衆水爲長蛇風煙渺吳蜀舟楫通鹽  
麻我今遠遊子飄轉混泥沙萬物附本性約身不願

杜集卷六

七

奢茅棟蓋一床清池有餘花濁醪與脫粟在眼無咨  
嗟山荒人民少地僻日夕佳貧病一作賤固其常富貴任  
生涯老於干戈際宅幸蓬葦遮石亂上雲氣杉清延  
月華賞妍又分外理愜夫何誇足了垂白年敢居高  
士差書此豁平昔迴首猶暮霞

### 貽華陽柳少府

繫馬喬木間問人野寺門柳侯披衣笑見我顏色温  
並坐石下堂一云堂下石俛視大江奔火雲洗月露絕壁上  
朝暾自非曉相訪觸熱生病根南方六七月出入異  
中原老少多暍死汗踰水漿翻俊才得之子筋力不

辭煩指揮當世事語及戎馬存涕淚賤我裳悲氣排  
帝閣鬱陶抱長策義仗知者論吾衰卧江漢但媿  
識璵璠文章一小伎於道未爲尊起余幸班白因是託  
子孫俱客古信州結廬依毀垣相去四五里徑微山  
葉繁時危挹佳士况免軍旅喧醉從趙女舞歌鼓秦  
人盆子壯顧我傷我驩兼淚痕餘生如過鳥故里今  
空村

同元使君春陵行 并序

覽道州元使君結春陵行兼賊退後示官吏作二首  
志之曰當天子分憂之地效漢官良吏之日今次血賊

杜集六

未息知民疾苦得結輩十數公落落然參錯天下爲  
邦伯萬物吐氣天下少安可得矣不意復見比興體  
制微婉頓挫之詞感而有詩增詩卷軸簡知我者不  
必寄元

遭亂髮盡

一作  
遽

白轉衰病相嬰沉緜盜賊際狼狽江

漢行歎時藥力薄爲客言羸瘵成吾人詩家秀博采世  
上名粲粲元道州前聖畏後生觀乎春陵作欵見俊  
哲情復覽賊退篇結也實國貞賈誼昔流慟匡衡  
常引經道州憂黎庶詞氣浩縱橫兩章對秋月一作一  
水

字借

一作  
皆

華星致君唐虞際純朴憶大庭何時降璽

書用爾為丹青獄訟永衰息豈唯偃甲兵悽惻念誅  
求薄歛近休明乃知正人意不苟飛長纓涼飈振南岳  
之子寵若驚色阻金印大興舍滄溟一作浪清我多長  
卿病日夕思朝廷肺枯渴太甚漂泊公孫城呼兒具紙  
筆隱几臨軒楹作詩呻吟內墨淡字欵傾感彼危  
苦詞庶幾知者聽

狄明府 博濟

梁公曾孫我姨弟不見十年官濟濟大賢之後竟陵  
遲浩蕩古今同一體比看叔伯四十人有才無命百  
寮底今者兄弟一百人幾人卓絕秉周禮在汝更用

杜集六

九

文章為長兄白眉復天啓汝門請從曾翁說太后當  
朝多巧詆狄公執政在末年濁河終不污清濟國嗣  
初將付諸武公獨廷諍守丹陛禁中決冊請房陵前  
一作滿朝長老皆流涕太宗社稷一朝正漢官威儀重昭  
洗時危始識不世才誰為荼苦甘如薺汝曹又宜列  
土一云列鼎食身使門戶多旌榮胡為飄泊岷漢間干謁  
王侯頗歷抵沉乃山高水有波秋風蕭蕭露路泥泥  
虎之飢下巉嵒蛟之橫出清泚早歸來黃土污衣眼易眯

韓諫議 注

今我不樂思岳陽身欲奮飛病在牀美人娟娟隔秋

水濯足洞庭望八荒鴻飛冥冥日月白青楓葉赤天  
雨霜玉京羣帝集北斗或騎騏驎翳鳳皇芙蓉旌旗  
煙霧樂影動倒景搖瀟湘星宮之君醉瓊漿羽人稀  
少不在傍似聞昨者赤松子恐是漢代韓張良昔隨  
劉氏定長安帷幄未改神慘傷國家成敗吾豈敢色  
難腥腐飡風香周南留滯古所惜南極老人應壽昌  
美人胡為隔秋水焉得置之貢玉堂

課伐木 并序

課隸人伯夷幸秀信行等入谷斬陰木人日四根止  
維條伊校正直挺然晨征暮返委積庭內我有藩

杜集六

十

籬是缺是補載伐篠蕩伊仗支持則旅次于小安山有  
虎知禁若恃爪牙之利必昏黑撐突夔人屋壁列

一作例

樹白菊鎔為牆實以竹示式遏為與虎近混淪乎

無良賓客憂一作齒害馬之徒苟活為幸可嘿息已

作詩付宗武誦

長夏無所為客居課奴僕清晨飯其腹持斧入白谷  
青冥曾巔後十里斬陰木人肩四根已亭午下山麓  
尚聞丁丁聲功課日各足蒼皮成積委素節相照燭  
藉汝跨小籬當仗苦虛竹空荒咆熊羆乳獸待人肉  
不示知禁情豈唯干戈哭城中賢府主處貴如白屋

蕭蕭理體淨蜂蠆不敢毒虎穴連里閭隄防舊風俗  
泊舟滄江岸久客慎所觸舍西崖嶠壯雷雨蔚含蓄  
墻宇資屢脩衰年怯幽獨爾曹輕執熱為我忍煩促  
秋光近青岑李月當泛菊報之以微寒共給酒一斛

### 園人送瓜

江間雖炎瘴瓜熟亦不早栢公鎮夔國滯務茲一掃  
食新先戰士共少及溪老傾筐蒲鵠青滿眼顏色好  
竹竿接嵌竇引注來鳥道沉浮亂水玉愛惜如芝草  
落刃嚼冰霜開懷慰枯槁許以秋蒂除仍看小童抱  
一作飽東陵跡蕪絕楚漢休征討園人非故侯種此何草草

本集六

七

### 信行遠脩水筒

汝性不如葦清淨僕夫內秉心識本一云根源於事少滯  
礙雲端水筒圻林表山石碎觸熱藉子脩通流與厨  
會往來四十里荒險崖谷大日曛驚未食兒赤愧相  
對浮瓜供老病裂餅常所愛於斯荅恭謹足以殊殿  
最詎要方士符何假將軍蓋行諸直如筆用意崎嶇外

### 槐葉冷淘

青青高槐葉采掇付中厨新麵來近市汁滓宛相俱  
入鼎資過熟加食愁欲無碧鮮俱照筋香飯兼苞蘆  
經齒冷於雪勸人投比珠願隨金驪裹走置錦屠蘇

路遠思恐泥興深終不渝獻芹則小小薦藻明區區  
萬里露寒殿開冰清玉壺君王納涼晚此味亦時須

行官張望補稻畦水歸

東屯大江北

一枕大江

百頃平若按六月青稻多千畦碧

泉亂插秧適云已引溜加旣灌更僕往方塘決渠當  
斷岸公私各地著浸潤無天旱主守問家臣分明見  
溪伴芊芊炯翠羽剡剡生銀漢鷗鳥鏡裏來關山雪  
邊看秋菰成黑米精鑿一作穀傳白粲玉粒定晨炊紅  
鮮任霞散終然添旅食作苦期壯觀遺穗及衆多我  
倉戒滋漫

催宗文樹鷄柵

吾衰怯行邁旅次展崩迫愈風傳烏鷄秋卯方漫喫  
自春生成者隨母向百翮驅趨制不禁喧呼山腰宅  
課奴殺青竹終日憎赤幘踏藉盤按翻塞蹊使之隔  
墻東有隙地可以樹高柵避熱時來歸問兒所為跡  
織籠曹其內令入不得擲稀間可突過觜爪還汚席  
我寬螻蟻遭彼免狐貉厄應宜各長幼自此均勅敵  
籠柵念有脩近身見一作知損益明明領處分二當剖析  
不昧風雨晨亂離減憂感其流則凡鳥其氣心匪石  
倚賴窮歲晏撥煩去一云及冰釋未似尸鄉翁拘留蓋阡陌

園官送菜 并序

園官送菜把本數日闕矧苦苜馬齒掩乎嘉蔬傷  
時小人妬害君子菜不足道也比而作詩

清晨蒙菜把常荷地主恩守者愆實數略有其名存  
苦苜刺如針馬齒葉亦繁青青嘉蔬色埋沒在中園  
園吏未足怪世事因堪論嗚呼戰伐久荆棘暗長原  
乃知苦苜輩傾奪蕙草根小人塞道路為態何喧喧  
又如馬齒盛氣擁葵苳昏點染不易虞絲麻雜羅紉  
一經器一作氣物內永挂鹿麕刺痕志士採紫芝放謠避戎軒  
畦丁負籠至感動百慮端

上後園山脚

朱夏熱所嬰清旭步北林小園背高岡挽葛上崎崙  
曠望延駐目飄颻散䟽襟潛鱗恨水壯去翼依雲深  
勿謂地無疆劣於山有陰石楨遍天下水陸兼浮沉  
自我登隴首十年經碧岑劒門來巫峽薄倚浩至今  
故園暗戎馬骨肉失追尋時危無消息老去多歸心  
志士惜白日久客藉黃金敢為蘇門嘯庶作梁父吟

驅豎子摘蒼耳

江上秋已分林中瘴猶劇畦丁告勞苦無以供日夕  
蓬莠獨不焦野蔬暗泉石卷耳況療風童兒且時摘



一去童僕  
先時摘

侵星驅之去爛熳任遠適放筮亭午際洗  
剥相蒙罽幕登床半生熟下笏還小益加點瓜薤間  
依稀橘奴跡亂世誅求急黎民糠粃窄飽食復  
何心荒哉膏梁客富家厨肉臭戰地骸骨白寄語惡  
少年黃金且休擲

### 昔遊

昔者與高李

高適  
李白

晚登單父臺寒蕪際碣石萬里風  
雲來桑柘葉如雨飛藿共徘徊清霜大澤凍禽獸有  
餘哀是時倉廩實洞達寰區一作羸開猛士思滅胡將帥  
望三台君王無所惜駕馭英雄材幽燕盛用武供給

杜集六

十四

亦勞哉吳門轉粟帛泛海陵蓬萊肉食三十萬獵射  
起黃埃隔河憶長眺青歲已摧頽不及少年日無復  
故人孟賦詩獨流涕亂世想賢才有能市駿骨莫恨  
少龍媒商山議得失蜀主脫嫌猜呂尚封國邑傅說  
已鹽梅景晏楚山深水鶴去低回龐公任本性推乃子  
卧蒼苔

### 雷

大旱山岳焦密雲復無雨南方瘴癘地罹此農事苦  
封內必舞雩峽中喧擊鼓真龍音寂寞土梗空俯僂  
吁嗟公私病稅斂缺不補故老仰面啼瘡痍向誰數

暴厄或前聞鞭巫非稽古請先偃甲兵處分聽人主  
萬邦但各業一物休盡取水旱其數然堯湯免親覩  
上天鑠金石羣盜亂豺虎二者存一端愆陽不猶愈  
昨宵殷其雷風過齊萬弩復吹霾翳散虛覺神靈  
聚氣竭腸胃融汗滋衣裳污一云腐吾衰尤拙計失望  
築場圃

火

楚山經月火大旱則斯舉舊俗燒蛟龍驚惶致雷雨  
爆嵌魑魅泣崩凍嵐陰昡羅落沸百泓根源皆萬古  
青林一灰燼雲氣無處所入夜殊赫然新秋照牛女

杜集六

一五

風吹巨焰作河棹騰煙柱勢欲焚崑崙光彌燠洲  
渚腥至焦長虵聲吼纏猛虎神物已高飛不見石與土  
爾寧要謗讟憑此近熒侮薄關長吏憂甚昧至精主  
遠遷誰撲滅將恐及環堵流汗卧江亭更深氣如縷

往在

往在西京時胡來滿彤宮中宵焚九廟雲漢為之紅  
解瓦飛十里總帷粉曾空疚心惜木主一一灰悲風合  
昏排鐵騎清旭散錦驂一云幪賊臣表逆節相賀以成功  
是時妃嬪戮連為糞土叢當宁陷玉座白閒剥盡蟲  
不知二聖處私泣百歲翁車駕既云還楹角欵穹崇故

老復涕泗祠官樹椅桐宏壯不如初已見帝力雄前  
春禮郊廟祀事親聖躬微軀忝近臣景從陪羣公登  
堦捧玉冊我冕耿一作聆金鍾侍祠慙先露掖垣邇濯龍

天子惟孝孫五雲起九重鏡奩換粉黛翠羽猶葱

隴前者厭羯胡後來遭犬戎俎豆腐一云齋臙肉罌罍

行角弓安得自西極申命空山東盡驅詣闕下士庶

塞關中主將曉逆順元元歸始終一朝自罪已一云罪已已

萬里車書通鋒鏑供鋤犁征戍聽所從冗官各復業

土著還力農君臣節儉足朝野懽呼一作娛同中興似

國初繼體如太宗端拱納諫諍和風日沖融赤墀櫻

杜集六

六

桃枝隱映銀絲籠千春薦陵寢永永垂無窮京都  
不再火涇渭開愁容歸號故松柏老去苦飄蓬

七月三日亭午已後校熱退晚加小涼穩睡有詩

因論壯年樂事戲呈元二十一曹長

今茲商用事餘熱亦已末衰年旅炎方生意從此活  
亭午減汗流北隣耐人聒晚風爽烏匿筋力蘇摧折  
閉日踰十旬大江不止渴退藏恨雨師健步聞旱魃  
園蔬抱金玉無以供採掇密雲雖聚散徂暑終衰歇  
前聖春焚巫武王親救暍陰陽相主客時序遞迴斡  
灑落唯清秋昏霾一空闊蕭蕭紫塞鴈南向欲行列

欵思紅顏日霜露凍堦闥胡馬挾彫弓鳴弦不虛發  
長鉞逐狡兔突羽當滿月惆悵白頭吟蕭條游俠窟  
臨軒望山閣縹緲安可越高人鍊丹砂未念將朽骨  
少壯跡頗踈歡樂曾倏忽杖藜風塵際老醜難剪拂  
吾子得神仙本是池中物賤夫美一睡煩促嬰詞筆

### 牽牛織女

牽牛出河西織女處其東萬古永相望七夕誰見同  
神光意一作難候此事終蒙隴颯然精靈合何必秋遂  
通亭亭新粧立龍駕具曾空世人亦為爾祈請走  
兒童稱家隨豔儉白屋達公宮膳夫翊堂殿鳴玉淒

杜集六

十七

房櫳曝衣遍天下曳月揚微風蛛絲小人態曲綴一作掇

瓜果中初筵滾重露日出甘所終嗟汝未嫁女秉心  
鬱忡忡防身動如律竭力機杼中雖無姑舅事敢昧  
織作功明明君臣契咫尺或未容義無弃禮法恩始  
夫婦恭小大有佳期戒之在至公方圓苟齟齬丈夫  
多英雄一云勿替  
丈夫雄

### 毒熱寄簡崔評事十六弟

大暑一作火運金氣荆揚不知秋林下有塌翼水中無行  
舟千室但埽地閉關人事休老夫轉不樂旅次兼百  
憂蝮蛇暮偃蹇空床難暗投炎宵惡明燭況乃壞舊

丘開襟仰內弟執熱露白頭束帶負芒刺接居成阻  
脩何當清霜飛會子臨江樓載聞大易義諷興詩家  
流蘊藉異時輩檢身非苟求皇皇使臣體信是德業  
優楚材擇杞梓漢苑歸驊騮短章達我心理為待一云  
識者籌

### 壯遊

往者十四五出遊翰墨場斯文崔魏徒

崔鄭州尚魏以豫州啓心

我似班揚七齡思即壯開口詠鳳皇九齡書大字有  
作成一囊性豪業嗜酒嫉惡懷剛腸脫略小時輩結  
交皆老蒼飲酣視八極俗物都茫茫東下姑蘇臺已

杜集六

十六

具浮海航到今有遺恨不得窮扶桑王謝風流遠闔  
廬丘墓荒劔池石壁仄長洲荷芰香嵯峨閭門北清  
廟映迴塘每趨吳太伯撫事淚浪浪枕戈憶勾踐渡  
浙想秦皇蒸魚聞匕首除道哂要章越女天下白鏡  
湖五月涼剡溪蘊秀異欲罷不能忘歸帆拂天姥中  
歲貢舊鄉氣劇屈賈壘日一作短曹劉牆忤下考工  
第獨辭京尹堂放蕩齊趙間裘馬頗清狂春歌叢  
臺上冬獵青丘旁呼鷹阜一作檝林逐獸雲雪岡射飛  
曾縱鞚引一云跋臂落鵝鶻蘇侯據鞍喜監門曹忽如  
推乃葛強快意八九年西歸到咸陽許與必詞伯賞一作貴

遊實賢王曳裾置醴地奏賦入明光天子廢食召群  
公會軒裳脫身無所愛痛飲信行藏黑貂不免弊班  
鬢兀稱觴杜曲晚一云換耆舊四郊多白楊坐深鄉黨  
斲日覺死生忙朱門任一云務傾奪赤族迭罹殃國馬竭  
粟豆漢有太常三輔粟豆官鷄輸稻梁舉隅見煩費引古惜興  
亡河朔風塵起岷山行幸長兩宮各警蹕萬里遙相  
望崆峒殺氣黑少海旌旗黃禹功亦命子涿鹿親戎  
行翠華擁英一云吳岳螭虎噉豺狼爪牙一不中胡兵  
更陸梁大軍載草草凋瘵滿膏盲備負竊補衮憂  
憤心飛揚上感九廟焚下憫萬民瘡斯時伏青蒲廷  
爭守御床君辱敢愛死赫怒幸無傷聖哲體仁恕宇  
縣復小康哭廟灰燼中鼻酸朝未央小臣議論絕老  
病客殊方鬱鬱苦不展羽翮困低昂秋風動哀壑碧  
蕙捐一云損微芳之推避賞從漁父濯滄浪榮華敵勲業  
歲暮有嚴霜吾觀鳴夷子才格出尋常群兇逆未定  
側佇英俊翔

阻雨不得歸灤西甘林

三伏適已過驕陽化為霖欲歸灤西宅阻此江浦深  
壞舟百板圻峻岸復萬尋篙工初一弃恐泥勞寸心  
佇立東城隅悵望高飛禽草堂亂玄圃不隔崑崙岑

昏渾衣裳外曠絕同曾陰園甘長成時三寸如黃金  
諸侯舊上計厥貢傾千林邦人不足重所迫豪吏侵  
客居暫封植日夜偶瑤琴虛徐五株態側塞煩肯襟  
焉得輟兩足杖藜出嘔歎條流數翠實偃息歸碧潯  
拂拭烏皮几喜聞樵牧音令兒快搔背脫我頭上簪

雨

峽雲行清曉煙霧相徘徊風吹蒼江樹雨洒石壁來  
淒淒生餘寒殷殷兼出雷白谷變氣候朱炎安在哉  
高鳥濕不下居人門未開楚宮久已滅幽珮為誰哀  
侍臣書王夢賦有冠古才冥冥翠龍駕多自巫山臺

杜集六

二十

雨二首

青山澹無姿白露誰能數片片水上雲蕭蕭沙中雨  
殊俗狀巢居曾臺俯風渚佳客適萬里沉思情延佇  
挂帆遠色外驚浪滿吳楚夕陰蛟螭出冠盜一云冠蓋復  
幾許

空山中宵陰微冷先枕席迴風起清曙萬象萋已碧  
落落出岫雲渾渾倚天石日假何道行雨含長江白  
連檣荊州舡有士荷矛戟南防草鎮慘霑濕赴遠役  
羣盜下辟山揔戎備強敵水深雲光廓鳴櫓各有適  
漁艇息一云自悠悠夷歌負樵客留滯一老翁書時記

朝夕

又上後園山脚

昔我遊山東憶戲東嶽陽窮秋立日觀矯首望八

北云

荒朱崖著毫髮碧海吹衣裳蓐收困用事玄冥蔚強

梁逝水自朝宗鎮石各其方平原獨憔悴農力廢耕

桑非關

北云

風露凋曾是戍役傷於時國用富足以

守邊疆朝廷任猛將遠奪戎虜場到今事反覆故老

淚萬行龜蒙不復見況乃懷舊鄉肺萎屬久戰骨出

熱中腸憂來杖匣劍更上林北岡瘴毒猿鳥落峽乾

南日黃秋風亦已起江漢始如湯登高欲有往蕩折

杜集六

五

川無梁哀彼遠征人去家死路傍不及父祖塋累累

塚相當

雨

山雨不作塗江雲薄爲霧晴飛半嶺鶴風亂平沙樹

明滅洲景微隱見巖姿露路拘悶出門遊曠絕經目趣

消中日伏枕卧久塵及屨豈無平肩輿莫辨望鄉路

兵戈浩未息虵虺反相顧悠悠邊月破鬱鬱流年度

針灸阻朋曹糠粃對童孺一命須屈色新知漸成故

窮荒益自卑飄泊欲誰訴疋羸愁應接俄頃恐違

云

危迂浮俗何萬端幽人有高步龐公竟獨往尚子終



罕遇宿留洞庭秋天寒瀟湘素杖策可入舟送此齒  
髮暮

贈李十五丈別

峽人鳥獸居其室附層巔下臨不測江中有萬里舡  
多病分倚薄少留改歲年絕域誰慰懷開顏喜多賢  
孤陋忝末親等級敢比肩人生意氣合相與襟袂連  
一日遣兩僕三日共一筵揚論轉寸心壯筆過飛泉  
玄成美價存子山舊業傳不聞八尺軀常受衆目憐  
且爲苦辛行蓋被生事牽北迴白帝棹南入黔陽天  
沂公制方隅迴出諸侯先封內如太古時危獨蕭然

杜集六

五

清高金莖露正直朱絲絃昔在堯四岳今之黃穎川  
于邁恨不同所思無由宣山深水增波解榻秋露懸  
客遊雖云久亦思月再圓晨集風渚亭醉操雲嶠篇  
丈夫貴知己歡罷念歸旋

贈鄭十八賁

温温士君子令我懷抱盡靈芝冠衆芳安得闕親近  
遭亂意不歸竄身跡非隱細人尚姑息吾子色愈謹  
高懷見物理識者安肯哂卑飛欲何待捷徑應未忍  
示我百篇文詩家一標準羈離交屈宋牢落值顏閔  
水陸迷畏途藥餌駐修軫故人日已遠青史自不泯

步趾詠唐虞追隨飢葵董數盃資好事異味煩縣尹  
心雖在朝謁力與願矛盾抱病排金門衰容肯為敏  
殿中楊監見示張旭草書圖  
斯人已云亡草聖秘難得及茲煩見示滿目一悽惻  
悲風生微綃萬里有古色鏘鏘鳴玉動落落群松直  
連山蟠其間溟漲與筆力有練實先書臨池真盡墨  
俊拔為之主暮年思轉極未知張王後誰並百代則  
嗚呼東吳精逸氣感清識楊公拂篋筭舒卷忘寢食  
念昔揮毫端不得觀酒德

楊監又出畫鷹十二扇

杜集六

三三

近時馮紹正能畫鷲鳥樣明公出此圖無乃傳其狀  
殊姿各獨立清絕心有向疾禁千里馬氣敵萬人將  
憶昔驪山宮冬移含元仗天寒大羽獵此物神俱王  
當時無凡材百中皆用壯粉墨形似閒識者一惆悵  
干戈少暇日真骨老崖嶂為君除狡兔會是翻鞬上  
送殿中楊監赴蜀見相公

去水絕還波洩雲無定姿人生在世間聚散亦暫時  
離別重相逢偶然豈定期送子清秋暮風動長年悲  
豪俊貴勲業邦家頻出師相公鎮梁益軍事無孑遺  
解榻再令見用才復擇誰况子已高位為郡得固辭

難拒供給費慎哀漁奪私干戈未甚息紀綱正所持  
汎舟巨石橫登陸草露滋山門日易久當念居者思

杜工部集卷第六

杜工部集卷第七

前劔南節度叅謀宣義郎檢校尚書工部員外郎賜緋魚袋京兆杜甫

古詩五十七首

秋行官張望督促東渚耗稻向畢清晨遣女  
奴阿稽暨子阿段往問

覽柏中允兼子姪數人除官制詞因述父子  
兄弟四美載歌絲綸

聽楊氏歌

荆南兵馬使太常卿趙公大食刀謠

王兵馬二角鷹

杜集七

甘林

雨

鄭典設自施州歸

種蒿苳并序

秋風二首

久雨期王將軍不至

別李秘書始興寺所居

縛雞行

負薪行

最能行

寄裴施州

奉酬薛十二丈判官見贈

暇日小園散病將種秋菜督勤耕牛兼書觸目

寫懷二首

可歎

觀孫大娘舞劍器行并序

贈司徒王公思禮

故司徒李公光弼

贈左僕射鄭國公嚴公武

杜集七

二十二

贈太子太師汝陽郡王

贈秘書監江夏李公邕

故秘書少監武功蘇公源明

故著作郎貶台州司戶滎陽鄭公虔

故右僕射相國張公九齡

虎牙行

赤霄行

苦寒行四首

晚晴

復陰

夜歸  
西閣曝日

寄栢學士林居  
寄從孫崇簡  
水閣朝霽奉簡嚴雲安

晚登灑上堂一首

劄寄族弟唐十八使君一首

李潮八分小篆歌一首

釋悶一首

醉爲馬墜諸公携酒相看一首

別蔡十四著作一首

別李義一首

送高司直尋封閩州一首

遣懷一首

君不見簡蘇僖一首

杜集七

三

贈蘇四僖一首

寄薛三郎中一首

大覺高僧蘭若一首

秋行官張望督促東渚耗一作刈稻向畢清晨遣

女奴阿稽豎子阿段往問

東渚雨今足佇聞粳稻香上天無偏頗蒲稗各自長  
人情見非類田家戒其荒功夫競楫楫除草置岸傍

穀者命之一云令士本客居安可忘青春具所務勤墾免亂

常吳牛力容易並驅去聲動莫當一云紛豐苗亦已穢雲

水照方塘有生固蔓延靜一資隄防督領不無人提

携一作挈頗在綱荆揚風土暖肅肅候微霜尚恐主守踈  
用心未甚臧清朝遣婢僕寄語踰崇岡西成聚必散  
不獨陵我倉豈要仁里譽感此亂世忙北風吹蒹葭  
蟋蟀近中堂荏苒百工休鬱紆遲暮傷

覽栢中允兼子姪數人除官制詞因述父子兄  
弟四美載歌絲綸

紛然喪亂際見此忠孝門蜀中寇亦甚栢氏功彌存  
深誠補王室勦力自元昆三止錦江沸獨清玉壘昏  
高名入竹帛新渥照乾坤子弟先卒伍芝蘭疊瓊璠  
同心注師律灑血在戎軒絲綸實具載紱冕已殊恩

杜集七

四

奉公舉骨肉誅叛經寒溫金甲雪猶凍朱旗塵不翻  
每聞戰場說欸激懦氣奔聖主國多盜賢臣官則尊  
方當節鉞用必絕稜冷根吾病日迴首雲臺誰再論  
作歌挹盛事推轂期孤騫

### 聽楊氏歌

佳人絕代歌獨立發皓齒滿堂慘不樂響下青虛裏  
一作浮雲裏江城帶素月況乃清夜起老大悲暮年壯士淚

如水玉盃久寂寞金管迷宮徵勿云聽者疲愚智心  
盡死古來傑出土一作事豈待一知己吾聞昔秦音傾  
側天下耳

荆南兵馬使太常卿趙公大食刀哥

太常樓舡聲嗷嘈問兵刮寇趨下牢牧出令奔飛百  
艘猛蛟突獸紛騰逃白帝寒城駐錦袍玄冬示我胡  
國刀壯士短衣頭虎毛憑軒拔鞘天爲高翻風轉日  
木怒號冰翼雪淡傷哀孫鑄錯碧豐礪鵜膏銍鏐已  
瑩虛秋濤鬼物撇捩辭坑壕蒼水使者捫赤條龍伯  
國人罷釣鼈芮公迴首顏色勞分閩救世用賢豪趙  
公玉立高歌起攬環結珮相終始萬歲持之護天子  
得君亂絲與君理蜀江如線如針水荆岑彈丸心未  
已賊臣惡子休干紀魑魅魍魎徒爲耳妖腰亂領敢  
欣喜用之不高亦不庠不似長劍須天倚吁嗟光祿  
英雄弭大食寶刀聊可比丹青宛轉騏驎裏光芒六  
合無泥滓

王兵馬使二角鷹

悲臺蕭颯石龍從哀壑杙柯浩呼洶中有萬里之長  
江迴風滔日孤光動角鷹翻倒壯士臂將軍玉帳軒  
翠氣二鷹猛腦徐侯穉目如愁胡視天地杉雞竹兔  
不自惜溪虎野羊俱辟易韞上鋒稜十二翻將軍勇  
銳與之敵將軍樹勳起安西崑崙虞泉入馬蹄白羽  
曾肉三狡猊敢決豈不與之齊荆南芮公得將軍亦



如角鷹下翔一云八朔雲惡鳥飛飛啄金屋安得爾輩  
開其羣驅出六合梟鸞鳥分

甘林

捨舟越西岡入林解我衣青芻適馬性好鳥知人歸  
晨光映遠岫多露見日晞遲暮少寢食清曠喜荆扉  
經過倦俗態在野無所違試問甘藜藿未肯羨輕肥  
喧靜不同科出處各天機勿矜朱門是陋此白屋非  
明朝步隣里長老可以依時危賦斂數脫粟爲爾揮  
相携行豆田秋花靄菲菲子實不得喫貨市送王畿  
盡添軍旅用迫此公家威主人長跪問戎馬何時稀

杜集七

六

我衰易悲傷屈指數賊圍勸其死王命慎莫遠奮飛  
雨

行雲遞崇高飛雨靄而至潺潺石間溜汨汨松上駛  
亢陽乘秋熱百穀皆已弃皇天德澤降焦卷有生意  
前雨傷卒暴今雨喜容易不可無雷霆間作鼓增氣  
佳聲達中宵所望時一致清霜九月天髮髯見滯穗  
郊扉及我私一云栽耘我圃日蒼翠恨無抱甕力庶減臨江

費

峽內無井  
取江水喫

鄭典設自施州歸

吾憐滎陽秀冒暑初有適名賢慎出處不肯妄行役

旅茲殊俗遠音以屢空迫南謁裴施州氣合無險僻  
攀援懸根木登頓入天石青山自一川城郭洗憂戚  
聽子話此邦令我心悅懌其俗則純朴不知有主客  
溫溫諸侯門禮亦如古昔勅厨倍常羞盃盤頗狼籍  
時雖屬喪亂事貴賞一作當匹敵中宵愜良會裴鄭非  
遠戚羣書一萬卷博涉供務隙他日辱銀鈞森踈見  
矛戟倒屣喜旋歸畫地求所歷乃聞風土質又重田  
疇闢刺史似寇恂列郡宜競借北風吹瘴癘羸老思  
散策渚拂蒹葭塞一云寒嶠穿蘿葛罽此身仗兒僕高興  
潛有激孟冬方首路強飯取崖壁歎爾疲駑駘汗溝  
血不赤終然備外飾駕馭何所益我有平肩輿前途  
猶準的翩翩入鳥道庶脫蹉跌厄

種蒿苴 并序

既雨已秋堂下理小畦隔種一兩席許萎苴向二旬  
矣而苴不甲坼伊人莧青青傷時君子或晚得微祿  
輒軻不進因作此詩

陰陽一錯亂驕蹇不復理枯旱於其中炎方慘如燬  
植物半蹉跎嘉生將已矣雲雷歛奔命師伯集所使  
指麾赤白日頽洞青光起雨聲先已風散足盡西靡  
山泉落滄江霹靂猶在耳終朝紆颯沓信宿罷蕭洒

堂下可以畦呼童對經始  
苴兮蔬之常隨事藝其子  
破塊數席間荷鋤功易止  
兩旬不甲坼空惜埋泥滓  
野苴迷汝來宗生實於此  
此輩豈無秋亦蒙寒露委  
翻然出地速滋蔓戶庭毀  
因知邪干正掩抑至沒齒  
賢良雖得祿守道不封已  
擁塞敗芝蘭衆多盛荆杞  
中園陷蕭艾老圃永爲恥  
登于白玉盤藉以如霞綺  
苴也無所施胡顏入筐篚

秋風二首

秋風淅淅吹巫山上  
牢下牢修水關吳檣楚柂牽  
百丈暖向神都寒未還  
要路何日罷長戟戰自青  
羌連

杜集七

百蠻中已不曾消息  
好暝傳戎鼓長雲間

秋風淅淅吹我衣  
東流之外西日微  
天清小城擣練急  
石古細路行人稀  
不知明月爲誰好  
早晚孤帆他夜歸  
會將白髮倚庭樹  
故園池臺今是非

久雨期王將軍不至

天<sub>山</sub>雨蕭蕭滯<sub>帶</sub>茅屋空山無以慰幽獨  
銳頭將

軍來何遲令我心中苦  
不足數看黃霧亂玄雲  
時聽巖風折喬木  
泉源泠泠雜猿狖  
泥濘漠漠飢鴻鵠  
歲暮窮陰耿未已  
人生會面難再得  
憶爾腰下鐵絲箭  
射殺林中雪色鹿  
前者坐皮因問毛  
知子歷險人馬

勞異獸如飛星宿落應弦不礙蒼山高安得突騎只  
五千萃然眉骨皆爾曹走平亂世相催促一豁明主  
正鬱陶憶一云恨昔范曾碎玉斗未使吳兵著白袍昏  
昏閭闔閉氛祲十月荆南雷怒號

別李秘書始興寺所居

不見秘書心若失及見秘書失心疾安爲動主理信  
然我獨覺子神充實重聞西方之觀經老身古寺風  
泠泠妻兒待來且歸去他日杖藜來細聽

縛雞行

小奴縛雞向市賣雞被縛急相喧爭家中厭雞食蟲  
蟻不知雞賣還遭烹蟲雞於人何厚薄吾叱奴人解  
其縛雞蟲得失無了時注目寒江倚山閣

負薪行

夔州處女髮半華四五十無夫家更遭喪亂嫁不  
售一生抱恨堪咨嗟土風坐男使女立應當門戶女  
出入十有八九負薪歸賣薪得錢當供給至老雙  
鰥只垂頸野花山葉銀釵並筋力登危集市門死生  
射利兼鹽井面粧首飾雜啼痕地褊衣寒困石根  
若道巫山女麤醜何得此一作北有昭君村

最能行

峽中文夫絕輕死少在公門多在水富豪有錢駕大  
舸貧窮取給行躑躅子小兒學問止論語大兒結束隨  
商旅歌帆側拖入波濤撒旋捎瀆無險阻朝發白帝  
暮江陵頃來目擊信有徵瞿唐漫天虎鬚一作眼怒歸  
州長年行最能此鄉之人氣量窄悞競南風踈北客  
若道士無英俊才何得山有屈原宅

### 寄裴施州

廊廟之具裴施州宿昔一逢無此流金鍾大鏞在東  
序冰壺玉衡懸清秋自從相遇感多病三歲爲客寬  
邊愁堯有四岳明至理漢二千石真分憂幾度寄書  
白鹽北苦寒贈我青羔一云絲裘霜雪迴光避錦袖龍  
虵動篋蟠銀鈎紫衣使者辟復命再拜故人謝佳政  
將老已失子孫憂後來況接才華盛

### 奉酬薛十二丈判官見贈

忽忽峽中睡悲風方一醒西來有好鳥爲我下青冥  
羽毛淨白雪慘澹飛雲汀旣蒙主人顧舉翮啖孤亭  
持以比佳士及此慰揚舲清文動哀玉見道發新硎欲  
學鳴夷子待勒燕山銘誰重斷虵劍一云口重斬邪劍致君君未  
聽志在騏驎閣無心雲母屏卓氏近新寡豪家朱門  
扃相如才調逸銀漢會雙星客來洗粉黛日暮拾流

螢不是無膏火勸郎勤六經老夫自汲澗野水日冷  
冷我歎黑頭白君看銀印青卧病識山鬼爲農知地  
形誰矜坐錦帳苦厭食魚腥東南兩岸折橫水注蒼  
溟碧色忽一云苦惆悵風雷搜百靈空中右一作有白虎赤節  
引娉婷自云帝里一作季女嘒雨鳳皇翎襄王薄行跡莫  
學冷如丁千秋一拭淚夢覺有微馨人生相感動金  
石兩青熒丈人但安坐休辨渭與涇龍蛇尚格鬪洒血  
暗郊垆吾聞聰明主治國用輕刑銷兵鑄農器今古  
歲方寧文王日儉德俊乂始盈庭榮華貴少壯豈食  
楚江萍

杜集七

十一

暇日小園散病將種秋菜督勤耕牛兼書觸目  
不愛入州府畏人嫌我真及乎歸茅宇一云及歸在茅屋旁舍

未曾嗔老病忌拘束應接喪精神江村意自放林木  
心所欣秋耕屬地濕山雨近甚勻冬菁飯之半牛力  
晚來新深耕種數畝未甚後四隣嘉蔬旣不一名數  
頗具陳荆巫非苦寒採擷接青春飛來兩白鶴暮啄  
泥中芹雄者左翮垂損傷已露一云及筋一步再血流尚  
經一作驚矰繳勤三步六號叫志屈悲哀頻鸞皇不相待  
側頸訴高旻杖藜俯沙渚爲汝鼻酸辛

寫懷二首

勞生共乾坤何處異風俗冉冉自趨競行行見羈束  
無貴賤不悲無富貧亦足萬古一骸骨鄰家遞歌哭  
鄙夫到巫峽三歲如轉燭全命甘留滯忘情任榮辱  
朝班及暮齒日給還脫粟編蓬石城東采藥山北林  
谷用心霜雪間不必條蔓綠非關故安排曾是順幽  
獨達士如弦直小人似鈎曲曲直吾不知負暄候樵牧  
夜深坐南軒明月照我膝驚風翻河漢梁棟已出日  
羣生各一宿飛動自儔匹吾亦驅其兒營營為私實

一作室天寒行旅稀歲暮日月疾榮名忽一云惑中人世亂如

杜集七

七

與漆禍首燧人氏厲階董狐筆君看燈燭張轉使飛  
蛾密放神八極外俛仰俱蕭瑟終契如往還一云終然契真如

得匪合一云金仙術

可歎

天上浮雲如白衣斯須改變如蒼狗古往今來共一  
時人生萬事無不有近者抉眼去其夫一云昧河東女兒  
身姓柳丈夫正色動引經鄴城客子王季友羣書萬  
卷常暗誦孝經一通看在手貧窮老瘦家賣屐履好事  
就之為携酒豫章太守高帝孫引為賓客劫頗久聞  
道三年未曾語小心恐懼閉其口太守得之更不疑

人生反覆看亦醜明月無瑕豈容易紫氣鬱鬱猶衝  
斗時危可杖真豪俊二人得置君側否太守頃者領  
山南邦人思之比父母王生早曾拜顏色高山之外  
皆培塿用爲義和天爲成用平水土地爲厚王也論  
道阻江湖李也丞疑曠前後死爲星辰終不滅致君  
堯舜焉肯朽吾輩碌碌飽飯行風后力牧長迴首

觀公孫大娘弟子舞劍器行 并序

大曆二年十月十九日夔府別駕元持宅見臨穎李  
十二娘舞劍器壯其蔚跂問其所師曰余公孫大娘  
弟子也開元三載余尚童稚記於郾城觀公孫氏舞

劍器渾脫瀏離頓挫獨出冠時自高頭宜春梨園二  
伎坊內人洎外供奉曉是舞者聖文神武皇帝初公  
孫一人而已玉貌錦衣況余白首今茲弟子亦匪盛  
顏旣辯其由來知波瀾莫二撫事慷慨聊爲劍器行  
往者吳人張旭善草書書帖數嘗於鄴縣見公孫大  
娘舞西河劍器自此草書長進豪蕩感激即公孫可  
知矣

昔有佳人公孫氏一舞劍器動四方觀者如山色沮  
喪天地爲之以低昂燿如羿射九日落矯如群帝駮  
龍翔來如雷霆收震怒罷如江海凝清光絳脣珠袖



兩寂寞况有弟子傳芬芳臨穎美人在白帝妙舞此  
曲神揚揚與余問荅既有以感時撫事增惋傷先帝  
侍女八千人公孫劔器初弟一五十年間似反掌風  
塵傾動昏王室梨園弟子散如煙女樂餘姿映寒日  
金粟堆南木已拱瞿唐石城草蕭瑟玳筵急管曲復  
終樂極哀來月東出老夫不知其所往足繭菜山轉  
愁疾

八哀詩 并序

傷時盜賊未息興起王公李公歎舊懷賢終于張相  
國八公前後存沒遂不詮次焉

杜集七

十四

贈司空王公思禮

司空出東夷童稚刷勁翮追隨燕薊兒穎銳一云物不脫  
隔服事哥舒翰意無流沙磧未甚拔行間大戎大充  
斤短小精悍姿屹然強寇敵貫穿百萬衆出入由咫尺  
馬鞍懸將首甲外控鳴鏑洗劔青海水刻銘天山  
石九曲非外藩其王轉深壁飛兔不近駕鷲鳥資  
遠擊曉達兵家流飽聞春秋癖曾襟日沉靜肅肅  
自有適潼關初潰散萬乘猶辟易偏裨無所施元帥  
見手格太子入朔方至尊狩梁益胡馬纏伊洛中原  
氣甚逆肅宗登寶位塞望勢敦迫公時徒步至請罪

將厚責際會清河公間道傳玉冊

清河公房大尉也

天王拜跪畢

謹議果冰釋翠華卷飛雪

一作靖

一云飛雪中熊虎亘阡陌屯兵鳳

皇山帳殿涇渭關金城賊咽喉詔鎮雄所搯禁暴清

無雙爽氣春浙瀝巷有從公歌野多青青麥及夫

哭廟後復領太原役恐懼祿位高悵望王土窄不得

見清時嗚呼就窀穸永繫五湖舟悲甚田橫客千秋

汾晉間事與雲水白昔觀文苑傳豈述廉藺績嗟嗟

鄧大夫士卒終倒戟

故司徒李公光弼

司徒天寶末北收晉陽甲胡騎攻吾城愁寂意不愜

杜集七

五

人安若泰山荆北斷右脅朔方氣乃蘇黎首見帝

業二宮泣西郊九廟起頽壓未散河陽卒思明僞臣妾

復自碣石來火焚乾坤獵高視笑祿山公又大獻捷

異王冊崇勲小敵信所怯擁兵鎮河汴千里初妥帖

青蠅紛營營風雨秋一葉內省未入朝死淚終映睫

大屋去高棟長城掃遺堞平生白羽扇零落蛟龍匣

雅望與英姿惻愴槐里接三軍晦光彩烈士痛稠疊

直筆在史臣將來洗箱篋吾思哭孤冢南紀阻歸楫

扶顛永蕭條未濟失利涉疲苾音何人洒涕巴東峽

贈左僕射鄭國公嚴公武

鄭公瑚璉器華岳金天晶昔在童子日已聞老成名  
嶷然大賢後復見秀骨清開口取將相小心事友生  
閱書百紙一云盡落筆四座驚歷職匪父任嫉邪常力  
爭漢儀尚整肅胡騎忽縱橫飛傳自河隴逢人問公  
卿不知萬乘出雪涕風悲鳴受詞劔閣道謁帝蕭關  
城寂寞雲臺仗飄颻沙塞旌江山少使者笳鼓凝皇  
情壯士血相視忠臣氣不平密論貞觀體揮發岐陽  
征感激動四極聯翩收二京西郊牛酒再原廟丹青  
明匡汲俄寵辱衛霍竟哀榮四登會府地三掌華陽  
兵京兆空柳色一云尚書無履聲群鳥自朝夕白馬休

杜集七

一六

橫行諸葛蜀人愛文翁儒化成公來雪山重公去雪  
山輕記室得何遜韜鈴延子荆四郊失壁壘虛館開  
逢迎堂上指圖畫軍中吹玉笙豈無成都酒憂國只  
細傾時觀錦水釣問俗終相并意待犬戎滅人藏紅  
粟盈以茲報主願庶或一云禪世程炯炯一心在沉沉  
二豎嬰顏回竟短折賈誼徒忠貞飛旄出江漢孤  
舟轉荆衡虛無馬融笛悵望龍驤坐空餘老賓客身  
上媿簪纓

贈太子太師汝陽郡王璡

汝陽讓帝子眉宇真天人虬鬚似太宗色映塞外春

往者開元中主恩視遇頻出入獨非時禮異見群臣  
愛其謹絜極倍此骨肉親從容聽朝後或在風雪晨  
忽思格猛獸苑囿騰清塵羽旗動若一萬馬肅駢駢  
詔王來射鴈拜命已挺身箭出飛鞚內上又一作迴翠麟  
翻然紫塞翻下拂明月輪胡人雖獲多天笑不為新  
王每中一物手自與金銀袖中諫獵書扣馬父上陳  
竟無銜檠虞聖聰矧多仁官免供給費水有在藻鱗  
匪唯帝老大皆是王忠勤晚年務置醴門引申白賓  
道大容無能永懷侍芳茵好學尚正烈義形必沾巾  
揮翰綺繡揚篇什若有神川廣不可泝墓久狐兔鄰

杜集七

七

宛彼漢中郡

王弟漢中王瑀

文雅見天倫何以開我悲泛舟

俱遠津温温昔風味少壯已書紳舊遊易磨滅衰  
謝增酸辛

### 贈秘書監江夏李公邕

長嘯宇宙間高才日陵替古人不可見前輩復誰繼  
憶昔李公存詞林有根柢聲華當健筆灑落富清製  
風流散金石追琢山岳銳情窮造化理學貫天人際  
干謁走其門碑版照四裔各滿深望還森然起凡例  
蕭蕭白楊路洞徹寶珠惠龍宮塔廟湧浩劫浮雲一云空  
衛宗儒俎豆事故吏去思計眇眇已皆虛跋涉曾不

泥向來映當時豈獨勸後世豐屋珊瑚鈎騏驎織成  
蜀紫騮隨劔几義取無虛歲分宅脫驂閒感激懷未  
濟衆歸賙給美擺落多藏穢獨步四十年風聽九臯  
唉嗚呼江夏姿竟掩宣尼袂往者武后朝引用多寵  
嬖否臧太常議面折二張勢衰俗凜生風排蕩秋旻  
霽忠正負冤恨宮闕深旒綴放逐早聯翩低垂困炎  
厲日斜鵬鳥入魂斷蒼梧帝榮一作策枯走不暇星駕  
無安稅幾分漢廷竹風擁文侯篋終悲洛陽獄事近  
小臣敝禍階初負謗易力何深瘠伊昔臨淄亭酒酣  
託末契重叙東都別朝陰改軒砌論文到崔蘇指盡

杜集六

六

流水逝近伏盈川雄楊炯未甘特進麗李嶠是非張相國

燕公說相扼一危脆爭名古豈然鍵捷欵不閉例及吾

家詩曠懷掃氛翳慷慨嗣真作和李大夫咨嗟玉山桂鍾

律儼高懸鯤鯨噴迢遞坡陀青州血蕪沒汶陽瘞哀

贈竟蕭條恩波延揭厲子孫存如綫舊客舟凝滯君

臣尚論兵將帥接燕薊卽詠六公篇張相五王泊狄相六公憂來

豁蒙蔽

故秘書少監武功蘇公源明

武功少也孤徒步客徐充讀書東岳中十載考墳典  
時下萊蕪郭忍飢浮雲巘負米晚爲身每食臉必泣

夜字照藝薪垢衣生碧蘇庶以勤苦志報茲劬勞顯

一作願

學蔚醇儒姿文包舊史善灑落辭幽人歸來潛京

輦射君東堂策宗匠集精選制可題未乾乙科已大  
闡文章日自負吏祿亦累踐晨趨閭闔內足踏夙昔  
趼一麾出守還黃屋朔風卷不暇陪八駿虜庭悲所  
遣平生滿樽酒斷此朋知展憂憤病二秋有恨石可  
轉肅宗復社稷得無逆順辨范臯顧其兒李斯憶黃  
犬秘書茂松意溟漲本末淺青熒芙蓉劔犀兕豈獨  
剽反爲後輩褻予實苦懷緬煌煌齋房芝事絕萬手  
牽垂之俟來者正始貞勸勉不要懸黃金胡爲投

本集七

九

乳贖結交三十載吾與誰遊行滎陽復冥寞罪罟已

橫胷

鄭詩在後

嗚呼子逝日始泰則終蹇長安米萬錢凋

喪盡餘喘戰伐何當解歸帆阻清沔尚纏漳水疾永  
負蒿里餞

故著作郎貶台州司戶滎陽鄭公虔

鷄鷄至魯門不識鍾鼓饗孔翠望赤霄愁思彫籠養  
滎陽冠衆儒早聞名公賞地崇士大夫况乃氣精爽

往者公在疾蘇許公頹位尊望重素未相識早  
愛才名躬自哀問後結忘年之契遠邇嘉之

天然生知姿

學立游夏上神農極闕漏黃石愧師長藥纂纂西極名  
兵洙指諸掌

公著蒼叢等諸書之外又撰胡本草七卷

貫穿無遺恨蒼叢何

技癢圭臬星經奧蟲篆丹青廣子雲窺未遍方朔詣  
太枉神翰顧不一體變鍾兼兩文傳天下口大字猶  
在榜昔獻書畫圖新詩亦俱往滄洲動玉陛宣一作寡

鶴悞一響三絕自御題四方尤所仰嗜酒益踈放彈

琴視天壤形骸實土木親近唯几杖未曾寄官曹突

兀倚書幌晚就芸香閣胡塵昏垓莽反覆歸聖朝點

漆無滌盪老蒙台州掾泛泛浙江槩履穿四明雪飢

拾槽溪椽空聞紫芝謠不見杏壇丈天長眺東南秋

色餘魍魎別離慘至今班白徒懷曩春深秦一作秦山秀

葉墜清渭朗劇談王侯門野稅林下鞅操紙終夕酣

杜集七

二

時物集遐想詞場竟踈闊平昔濫吹獎百年見存沒

牢落吾安放一作去蕭條阮咸在出處同世網他日訪江

樓含悽述飄蕩著作與今秘書監鄭君審篇翰齊  
價謫江陵故有阮咸江樓之句

故右僕射相國張公九齡

相國生南紀金璞無留礦仙鶴下人間獨立霜毛整

矯然江海思復與雲路永寂寞想土一作去階未遑等箕

穎上君白玉堂倚君金華省碣石一作竭力歲崢嶸天地

日蛙黽退食吟大庭何心記榛梗骨驚畏曩哲鬢真變

負人境雖蒙換蟬冠右地恧多幸敢忘二踈歸痛迫

蘇耽井紫綬映暮年荆州謝所領庾公興不淺黃霸

鎮每靜賓客引調同諷詠在務屏詩罷地有餘篇終  
語清省一陽發陰管淑氣含公鼎乃知君子心用才  
文章境散帙起翠螭倚薄巫廬並綺麗玄暉擁牋誅  
任昉騁自我一家則未缺隻字警言千秋滄海南名繫  
朱鳥影歸老守故林戀闕悄延頸波濤良史筆蕪絕  
大庾嶺向時禮數隔制作難上請再讀徐孺碑猶思  
理煙艇

### 虎牙行

秋風歔吸吹南國天地慘慘無顏色洞庭揚波江漢  
迴虎牙銅柱皆傾側巫峽陰岑朔漠氣峯巒窈窕溪

杜集七

五

谷黑杜鵑不來猿狖寒山鬼幽憂雪霜逼楚老長嗟  
憶炎瘴三尺角弓兩斛力壁立石城橫塞起金錯旌  
竿滿雲直漁陽突騎獵青丘犬戎鏖甲聞丹極八荒  
十年防盜賊征戍誅求寡妻哭遠客中宵淚霑臆

### 錦樹行

今日苦短昨日休歲云暮矣增離憂霜凋碧樹行錦  
樹萬壑東逝無停留荒戍之城石色古東郭老人住  
青丘飛書白帝營斗粟琴瑟几杖柴門幽青草萋萋  
盡枯死天馬跂足隨羸牛自古聖賢多薄命姦雄惡  
少皆封侯故國三年一消息終南渭水寒悠悠五陵



豪貴反顛倒鄉里小兒狐白裘生男墮地要膂力一  
生富貴傾家國莫愁父母少黃金天下風塵兒亦得

赤霄行

孔雀未知牛有角渴飲寒泉逢觝觸赤霄玄圃須往  
來翠尾金花不辭辱江中淘河嚇飛鷺銜泥却落羞  
華屋皇孫猶曾蓮勺困衛莊見貶傷其足老翁慎莫  
怪少年葛亮貴和書有篇丈夫垂名動萬年記憶細  
故非高賢

前苦寒行二首

漢時長安雪一丈牛馬毛寒縮如蝟楚江巫峽冰入

杜集二

五

懷虎豹哀號又堪記秦城老翁荆揚客慣習炎蒸歲  
絺綌玄冥祝融氣或交手持白羽未敢釋

去年白帝雪在山今年白帝雪在地凍埋蛟龍南浦  
縮寒刮肌膚北風利楚人四時皆麻衣楚天萬里無  
晶輝三足之鳥足恐斷羲和送將安所歸

後苦寒二首

南紀巫廬瘴不絕太古以來無尺雪蠻夷長老怨苦  
寒崑崙天關凍應折玄猿口噤不能嘯白鵠翅垂眼  
流血安得春泥補地裂

晚來江門失大木猛風中夜吹白屋天兵斷斬青海

戎殺氣南行動坤軸不爾苦寒何太酷巴東之峽生  
凌澌彼蒼迴軒人得知

晚晴

高堂暮冬雪壯哉舊瘴無復似塵埃崖沈谷沒白皚  
皚江石缺裂青楓摧南天三旬苦霧開赤日照耀從  
西來六龍寒急光徘徊照我衰顏忽落地口雖吟詠  
心中哀未怪及時少年子揚眉結義黃金臺泊乎吾  
生何飄零支離委絕同死灰

復陰

方冬合沓玄陰塞昨日晚晴今日黑萬里飛蓬映天

杜集七

三

過孤城樹羽揚風直江濤簸岸黃沙走雲雪埋山蒼  
兕吼君不見夔子之國杜陵翁牙齒半落左耳聾

夜歸

夜來歸來衝虎過山黑家中已眠卧傍見北斗向江  
低仰看明星當空大庭前把燭噴兩炬峽口驚猿聞  
一箇白頭老罷舞復歌杖藜不睡誰能那

寄栢學士林居

自胡之反持干戈天下學士亦奔波歎彼幽栖載典  
籍蕭然暴露露依山阿青山萬里靜散地白雨一洗空  
垂蘿亂代飄零余到此古人成敗子如何荆揚春冬

異風土巫峽日夜多雲雨赤葉楓林百舌鳴黃泥一作花  
野岸天雞舞盜賊縱橫甚密邇形神寂寞甘辛苦幾  
時高議排金門各使蒼生有環堵

寄從孫崇簡

嵯峨白帝城東西南有龍湫北虎溪吾孫騎曹不騎  
馬業學尸鄉多養雞龐公隱時盡室去武陵春樹他  
人迷與汝林居未相失近身藥裏酒長携牧豎樵童  
亦無賴莫令斬斷青雲梯

西閣曝日

凜冽倦玄冬負暄嗜飛閣羲和流德澤顓頊愧倚薄

北集六二

三

毛髮具自和肌膚潛沃若太陽信深仁衰氣歛有託  
歌傾煩注眼容易收病脚流離木杪猿翩僊山巔鶴  
用知苦聚散哀樂日已作即事會賦詩人生忽如昨  
古來遭喪亂賢聖盡蕭索胡為將暮年憂世心力弱  
水閣朝霽奉簡嚴雲安

東城抱春岑江閣鄰石面崔嵬晨雲白朝旭射芳甸  
雨檻卧花叢風牀展書卷鈎簾宿鷺起丸藥流鸞嘑  
呼婢取酒壺續兒誦文選晚交嚴明府矧此數相見

晚登灊上堂

故躋灊岸高頗免崖石擁開襟野堂豁繫馬林花動

雉堞粉似雲山田麥無壟春氣晚更生江流靜猶湧  
四序嬰我懷羣盜久相踵黎民困逆節天子渴垂拱  
所思注東北深峽轉脩脊衰老自成病郎官未爲冗  
淒其望呂葛不復夢周孔濟世數嚮時斯人各枯冢  
楚星南天黑蜀月西霧重安得隨鳥翎迫此懼將恐

寄族弟唐十八君

與君陶唐後盛族多其人聖賢冠史籍枝派羅源津  
在今氣石砧落巧僞莫敢親介立寔是吾弟濟時肯殺身  
物白諱受玷行高無汚真得罪永泰末放之五溪濱  
鸞鳳有鍛翻先儒曾抱麟雷霆霹靂長松骨大却生筋

杜集七

七

一失不足傷念子孰自珍泊舟楚宮岸戀闕浩酸辛  
除名配清江厥土巫峽鄰登陸將首途筆札枉所申  
歸朝跼病肺叙舊思重陳春風洪濤壯谷轉頗彌旬  
我能汎中流塘突鼉獺瞋長年已省施慰此貞良臣

李潮八分小篆歌

蒼頡鳥跡旣茫昧字體變化如浮雲陳蒼石鼓又已  
訛大小二篆生八分秦有李斯漢蔡邕中間作者寂  
不聞嶧山之碑野火焚棗木傳刻肥失真苦縣光和  
尚骨立書一作書貴瘦硬方通神惜哉李蔡不復得吾  
甥李潮下筆親尚書韓擇木騎曹蔡有鄰開元已來

數八分潮也奄有二子成三人況潮小篆逼秦相快  
劍長戟森相向八分一字直百一作金金蛟龍盤擊牛肉  
屈強吳郡張顛誇草書草書非古空雄壯豈如吾甥  
不流宕丞相中郎丈人行巴東一作江逢李潮逾月求我  
歌我今衰老才力薄潮乎潮乎奈汝何

釋悶

四海十年不解兵犬戎也復臨咸京失道非關出襄  
野揚鞭忽是過胡城豺狼塞路人斷絕烽火照夜屍  
縱橫天子亦應厭奔走群公固合思升平但恐誅求  
不改轍聞道嬖孽能全生江邊老翁錯料事眼暗不

杜集七

五

見風塵清

醉爲馬墜諸公携酒相看

甫也諸侯老賓客罷酒酣歌拓金戟騎馬忽憶少年  
時散蹄迸落瞿唐石白帝城門水雲外低身直下八  
千尺粉堞電轉紫遊韁東得平岡出天壁江村野堂  
爭入眼垂鞭鞞鞞凌紫陌向來皓首驚萬人自倚紅  
顏能騎射安知決臆追風足朱汗驂驪猶噴玉不虞  
一蹶終損傷人生快意多所辱職當憂戚伏衾枕况  
乃遲暮加煩促朋知來問腆我顏杖藜強起依僮僕  
語盡還成開口笑提携別掃清谿曲酒肉如山又一

時初筵哀絲動豪竹共指西日不相貸喧呼且覆杯中  
中涿何必走馬來爲問君不見嵇康養生被殺戮

別蔡十四著作

賈生慟哭後寥落無其人安知蔡夫子高義邁等倫  
獻書謁皇帝志已清風塵流涕灑丹極萬乘爲酸辛  
天地則創痍朝廷當一作多正臣異才復間出周道日惟  
新使蜀見知己別顏始一伸主人薨城府撫櫬歸  
咸秦巴道此相逢會我病江濱憶念鳳翔都聚散俄  
十春我衰不足道但願子意陳稍令社稷安自契魚  
水親我雖消渴甚敢忘帝力勤尚思未朽骨復覩耕  
桑民積水駕三峽浮龍倚長津揚舫洪濤間仗子濟  
物身鞍馬下秦塞王城通北辰玄甲聚不散兵久食  
恐貧窮谷無粟帛使者來相因若馮南轅使書札到  
天垠

別李義

神堯十八子十七王其門道國洎舒國實惟親弟昆  
中外貴賤殊余亦忝諸孫丈人嗣王業之子白玉溫  
道國繼德業請從丈人論丈人領宗卿肅穆古制敦  
先朝納諫諍直氣橫乾坤子建文筆壯河間經術存  
爾克富詩禮骨清慮不喧洗然遇知己談論淮湖奔

憶昔初見時小襦一作孺繡芳蓀長成忽會面慰我久  
疾魂三峽春冬交江山雲霧昏正宜且聚集恨此當  
離罇莫怪執盃遲我衰涕唾煩重問子何之西上岷  
江源願子少干謁蜀都足戎軒誤失將帥意不如親  
故恩少年早歸來梅花已飛翻努力慎風水豈惟數  
盤飧猛虎卧在岸蛟螭出無痕王子自愛惜老夫困  
石根生別古所嗟發聲爲爾吞

送高司直尋封閬州

丹雀銜書來暮棲何鄉樹驂騑事天子辛苦在道路  
司直非冗官荒山甚無趣借問泛舟人胡爲入雲霧

杜集卷一

二十八

與子姻婭間旣親亦有故萬里長江邊邂逅一相遇  
長卿消渴再公幹沉綿屢清談慰老夫開卷得佳句  
時見文章士欣然淡情素伏枕聞別離疇能忍漂寓  
良會苦短促溪行水奔注熊羆咆空林游子慎馳騫  
西謁巴中侯艱險如跬步主人不世才先帝常特顧  
拔爲天軍佐崇大王法度淮海生清風南翁尚思慕  
公宮造廣厦木石乃無數初聞伐松栢猶卧天一柱  
我瘦一作病書不成成字讀亦誤爲我問故人勞心練  
征戍

遣懷

昔我遊宋中惟梁孝王都名今陳留亞劇則貝魏俱  
邑中九萬家高棟照通衢舟車半天下主客多歡娛  
白刃讎不義黃金傾有無殺人紅塵裏報荅在斯須  
憶與高李輩適白論文入酒壚兩公壯藻思得我色敷  
腴氣酣登吹一作文臺懷古視平蕪芒碭雲一去鴈鴛空  
相呼先帝正好武寰海未凋枯猛將收西域長戟破  
林胡百萬攻一城獻捷不云輸組練棄如泥尺土負  
一作勝百夫拓境功未已元和辭大鑪亂離朋友盡合沓  
歲月徂吾衰將焉託存歿再嗚呼蕭條益堪媿獨在  
天一隅一云蕭條病益甚塊獨天一隅乘黃已去矣凡馬徒區區不復

杜集七

无

見顏鮑繫舟卧荆巫臨殮吐更食常恐違撫孤

### 君不見簡蘇侯

君不見道邊廢弃池君不見前者摧折桐百年死樹  
中琴瑟一斛舊水藏蛟龍丈夫蓋棺事始定君今幸  
未成老翁何恨憔悴在  
山中深山窮谷不可處霹靂

颯颯兼一作并狂風

### 贈蘇四侯

異縣昔同遊各云厭轉蓬別離已五年尚在行李中  
戎馬日衰息乘輿安九重有才何棲棲將老委所窮  
爲郎未爲賤其奈疾病攻子何面黧黑不得豁心胷



巴蜀倦剽劫下愚成土風幽薊已削平荒徼尚彎弓  
斯人脫身來豈非吾道東乾坤雖寬大所適裝囊空  
肉食哂菜色少壯欺老翁況乃主客間古來偏側同  
君今下荆揚獨帆如飛鴻二州豪俠場人馬皆自雄  
一請甘飢寒再請甘養蒙

寄薛三郎中

據

人生無賢愚飄飄若埃塵自非得神仙誰免危其身  
與子俱白頭役役常苦辛雖為尚書郎不及村野人  
憶昔村野人其樂難具陳藹藹桑麻交公侯為等倫  
天未馱戎馬我輩本常貧子尚客荊州我亦滯江濱

杜集七

三

峽中一卧病瘡癘終冬春春復加肺氣此病蓋有因  
早歲與蘇鄭痛飲情相親二公化為土嗜酒不失真  
余今委脩短豈得恨命屯聞子心甚壯所過信席珍  
上馬不用扶每一作忽扶必怒嗔賦詩賓客間揮灑動  
八垠乃知蓋代手才力老益神青草洞庭湖東浮滄  
海濟君山可避暑況足采白蘋子豈無扁舟往復江  
漢津我未下瞿塘空念禹功勤聽說松門峽吐藥攬  
衣中高秋却束帶鼓枻視清旻鳳池日澄碧濟濟多  
士新余病不能起健者勿逡巡上有明哲君下有行  
化臣

大覺高僧蘭若

和尚去冬往湖南

巫山不見廬山遠松林蘭若秋風晚一老猶鳴日暮  
鍾諸僧尚乞齋時飯香爐峰色隱晴湖種杏仙家近  
白榆飛錫去年啼邑子獻花何日許門徒

杜工部集卷第七



